


甌
甌
洞
藁

十六卷
十七卷
十八卷
五言律
五言排律



漢書門類		10474	函	架	冊
		七	六	函	架
		二	〇	冊	架

庫文閣內		漢書	10474	函	架
		三	七	函	架
		二	〇	冊	架

內閣文庫		番號	漢 10474
		冊數	20(8)
		函號	317 80



龍輓洞藁卷之十六

武昌吳國倫者

始安張鳴鳳校
新安方尚贊

五言律詩一百二十四首

芝林為潘中丞詠

淺草文庫

潘郎讀書處神草忽為林露挹商山秀雲分楚澗深
三花盤紫蓋九色麗華簪為卜瑤圖瑞知君調鼎心

松月樓

自是梁園勝登樓玉宇開閒憑松頂坐忽擁桂輪來
星漢流書牖風濤送酒杯此中曾授簡何客似鄒枚
賦得手把鐵如意答池士爵考功

向報胡子鍊如意詩考功聞而屬和見寄故
有此答

手把鐵如意冥然有所思紫雲開北望白日駐西馳
忽枉山濤札真如鮑叔知摩挲增氣色不復歎衰遲

吳封君六十詩二首

封君景陵人士
望太叅父也

禮樂延陵喬煙霞夢澤居一經開世業雙闕下天

書賜錦紋成鳳趨朝佩是魚豈須逢出獵垂老載

周車

其二

再命興南國箕裘自義方門高于氏里俗表鄭公鄉

四世分天祿諸孫擁壽觴共驚蘭桂色偏向竟陵芳

送魏文可郡丞起復北上

征途歲已盡風雪晝陰森未解居廬色寧忘戀闕心
逢予且杯酒回首卽辰參不淺匡時略無須歎陸沈

新鄭道中

立馬具茨野風沙疊古堤溪奔厓斷續雲罨樹高低
不覩三芝秀空聞七聖迷旅情紛欲結鳴鳥故棲棲

新鄭訪少師高相公四首

大隗纔如斗能容上相居君恩優賜杖國禮重
懸車避客軒轅洞逢仙道德書向來調鼎意且復寄

樵漁

其二

魚水

先朝事乾坤故晏然憂深馮几日託重委裘

年一疏心難盡 三宮詔已傳稍聞收相印遂問洛

陽田

其三

野闊洪堤隱厓懸曲洧奔卑仍蕭相宅靜擬翟公門

大藥資難老仙莫屬 至尊安車何日下消息任乾

坤

其四

未叩平津閣泥途忽見收至今慙國士含意向中州

遇自登龍重恩非執雉酬停杯談往事猶抱徒薪憂

臥佛

長夜何時旦惟應臥佛知關依祇樹掩枕就嶽雲支

夢度三千界醒忘十六師傳燈心已死誰辨劫灰時

初春尉氏道中

雪霽風逾勁春寒客始裘驅馳經下邑蕭瑟傍中州

草蔓蓬池逕沙沈菟苑樓百年懷古意都作片雲浮

發大梁二首

曉發大梁城歸裝一羽輕畏途今削迹 明主獨含

情白簡知何狀黃河未遽清敝裘聊自拭不忝故書生

其二

遮道何爲者偏憐放逐臣風雲一日變耳目兩河新
世事都長夜歸期及早春慙慙諸父老常作太平民

麻城道中卽事

出境寧三宿西陵是楚天空山迴暝霧壞道響春泉
澗曲常隨馬峯危欲跼鳶荒村雷雨迫翻藉館人憐

次麻城劉直卿憲副周子徵使君見訪留別一首

直羨冥鴻侶賢哉二大夫白雲安几杖清世托尊鱸
媿我身謀拙逢人雅調孤初衣從爾逝幸不老迷途

大冶值雨作

只尺是歸程千山風雨生不眠思獨往延竚劇爲情
想像明河影淒其永漏聲何當收石燕曉色動前旌
喜方仲美至遂與花前對酌

方郎不解事偏問拂衣人雙眼浮雲外孤舟漢水濱
餘年聊頌酒生計有垂綸試覽羣花色能勝幾日春
汝脩仲美竝過小飲

懸輿已不蚤猶及故人期石抵雲中色花矜雨後姿

敝裘持問酒短榻坐談詩卽有猶龍意惟應倦鳥知
花間偶詠二首

爲解花間意樽醪日自呼興來佳客就酣至小童扶
雨葉從沾灑風香忽有無一區聊自廣何用策脩途

其二

名卉無多種新移卽故林如雲供坐翫永日助行吟
宛轉留春事參差散夕陰何妨問奇客載酒數招尋
莊則勸過訪二首

三徑從吾好此生君所知酒杯如可放金石亦堪疑
遶席花如綺垂頭鬢已絲惟應共貧賤不負白雲期

其二

棄擲吾何有藏身萬卷中君來長日語興至一樽同
況有雲霞癖都無禮法攻羣花款相媚涼雨忽濛濛

郭憲使篤周見訪

南海探奇日逢君意氣多那知乘月舫亦復叩煙蘿
握手羣峯峙論心一雨過不煩驚往事吾道自江河

詠盆中石山

一勺瀟湘意雲根插未安微茫星乍隕突兀屨初蟠
玉筍支靈竅瓊蓮覆石闌却愁風雨過蘿薜不勝寒

江漲

江漲懸如峽兼天雨未休居然成巨浸何處陟高丘
室與龍宮接城如蟻垤浮苦無冲舉翼那得不深憂

東署納涼

官署倚城闌吾家亦比隣偶乘明月過旋入晚涼新
露柏陰堪藉風蕉意獨親不煩揮塵尾行坐總無塵

聞羽王夜談往事有感二首

一見開心目頻過醒夢思那知終夕語翻助十年悲
梁獄身垂死燕臺骨尚疑一官纔不絕猶藉主恩

移

其二

半刺起吳州鳴珂帝里遊逢人偏積羽失勢有垂頭
交態窮時見詞名難後收却懸雙淚眼來視九江流

哭趙良才

束髮同師友論年亦弟兄半生常苦別垂老更關情
自汝沈痾久令人夢寐驚招魂嗟不返風雨暗江城
汝脩以芋薯二品見餉走筆謝之

竝自雲根掘籠來土色鮮蹲鴟巴客餌鉤弋漢宮拳
已足供兼饌何妨實四籩同心亦同臭那得不相憐
則勸以朱魚十數頭畜之孟中見遺賦謝

洋洋一盃水不減放生池戲藻金鱗躍分羣火鬣移

總無驚餌態寧有報珠期濠上逍遙者惟應惠子知

答洞庭山人吳橋見寄 有引

風雅久湮有志未逮山人謬以相許則何敢
當懷茲好音願言屬和雖立談未偶而神賞

斯殷矣

攜手定何日裁書意已親語中無近代江左又斯人
盛世容高枕滄洲穩釣綸夢回千里駕曾問五湖津

同張羽王登山見紫芝獨秀喜而采之

不淺攀躋興春山雲氣平偶隨青羽蓋重采赤芝英
先此山產芝羽王有作入掌明霞豔沾衣瑞露輕商山浩歌者

千古共斯盟

飲西澗林間

未厭林塘小幽棲老更便偶同看竹到旋欲據梧眠
席倚雲間岫杯分石上泉世情終不解翻得野人憐
舍傍小亭初成卽事二首

環堵不盈畝管亭且避喧屢移花近席新長薜垂門
病借銜杯遣身從失勢尊自今容膝處豈復礙乾坤

其二

為草遺榮賦園居興轉新短籬常自掩凡卉亦堪珍
坐久雲霞變機忘鳥雀親攬衣時抱甕不忝漢陰人

泛西湖

十里西湖勝錢塘未遠過水痕侵錦石峯影鬱滄波
進艇隨鷗鷺銜杯入芰荷晚風生谷口清切送漁歌

登鍾成山觀

壑擬藏舟僻山同覆金圓偶來探異蹟便欲躡飛仙
瀑外流雲合松梢落日懸暝霞蒸石鼎疑吐晉時煙

泊舟梧塘聽泉

繫舟深樹裏箕坐聽鳴泉隱約黃金珮淒清白雪弦
千山都雨意五月已秋天心境杳然寂誰稱洗耳賢

林間小飲

山中暑氣薄況乃竹林幽與客宜深入登高當遠遊
稻花風向午桐葉雨驚秋醉臥依田叟真堪散百憂

詠螢火

微命托腐草吐光疑夜珠飛揚但咫尺明滅何須更
遶戶作星聚入林驚雨驅凌晨不自照海日升東岫

聞田歌

隔壠田歌發洋洋振碧空調高無郢雪思遠卽幽風
鼓腹聲相答明農意許同何當租吏緩與爾待年豐

西灣晚棹

一水南湖外逶迤白石門鳴榔穿曲澗排荇入深村

萬樹中流合羣山落照昏正愁高興盡漁父過清樽

避暑小室

一室幽如洞炎威總不侵兼於塵事絕益戴主恩

深簟擁冰紋細簾回晝色陰拋書轉岑寂倦臥枕鳴

琴

立秋後三日泛舟

秋陽何大烈況復近煩囂一泛煙波去俄令暑氣消

晚風迴奏笛涼月過鳴橈醉擁羣山臥真同河朔招

送程仲濟還新安

江色動清秋蕭然感滯留朝來聞過鴈夜起問歸舟

興似王猷盡名將范蠡浮齊雲結遐想還擬挾君遊

喜雨柬楊使君

賦暑毫方禿納涼樽屢虛行吟楚澤畔消渴茂陵居

雨意朝來足炎威坐自除郊原諸父老歌擁使君車

其二

不是爲霖客誰能請雨來馮夷清大道神女下陽臺

隴黍含膏吐庭花作意開直驅殘暑盡湖上好銜杯

李文仲過訪

汝自茗溪發言循楚嶽遊片雲將敝舄高浪翼輕舟

野服驚相顧新詩款見投但須傳郢曲不必報吳鉤

卷之六
九
三百四
秋夕同徐懋弘戶部登寂潭寺

寺與高雲竝僧疑異域來
天空潭影淨月上野煙開
殿角垂星漢林心擁石臺
坐中誰問偈秋色萬峯迴

偶作

物情都掩面時政偶驚心
君父恩兼重冠裳慮轉
深諸臣安放逐萬態總浮沈
自幸同麋鹿棲遲在茂
林

秋日湖上雜詠六首

湖水秋仍漲鷗羣日以親
歲時諸酒伴身世一漁人
擊汰峯紋亂凌空月魄新
山川從所適但醉莫言貧

其二

野望晴偏好江行晚故幽
總於朝市遠散盡古今愁
鳧鴈紛前渚蒹葭忽蚤秋
由來范夫子先繫五湖舟

其三

鷺立湖心石魚吹浦口
莎數峯排霧出一葦信風過
落日殘紅蓼新霜變綠荷
客星從耿耿無復照煙蓑

其四

棄擲身偏穩行遊性頗真
棹隨城宛轉波湧石嶙峋
樹裏千家暝雲邊百雉新
芙蓉行自采秋水故精神

其五

謝客安離索招攜但酒徒霜林森橘柚雪浪隱菰蒲
不減歸吳興如披入剡圖一樽歌裏盡百感醉中無

其六

爲愛湖光好朝朝坐不歸環山皆酒案得石定漁磯
露下青菱熟天空赤鴈飛流年莽推斥莫惜典吾衣

與茂承夜談

不憚長江險相求到石門九秋寒雨夜千里故人樽
放逐偏吾道漁樵竝主恩歡來病欲去萬事莫須

論

輓許長公二首

試問新都士誰賢許長公賈行然諾重儒術孝廉同
有子堪商鼎無家類楚弓祇今冠蓋里猶憶古人風

其二

吳越游揚後家傳長者名可知鹽筴地不盡布衣情
讓宅存高義違時見獨行誰云褒德詔只作夜臺榮
喜孫兆孺過訪

風雨秋期暮君來自洞庭豈從真隱處猶測少微星
短髮驚相弔深杯喜莫停放歌俱楚調流響入青冥

呂相國枉過小宴

大道衣冠集爭迎上相歸何當紆屬駕先自訪巖扉

野服寒蘿薜山盤進蕨薇一樽申契闊花鳥亦忘機
謁相國新第坐間成詩

移疾下黃閣卜居巢白雲完名周大老軼迹漢元勳
異饌中厨出天香內苑分不煩誇綠野佳氣鬱氤氳

植檜

帶雨移雙檜培之藥圃中短梢新出檻密刺已成叢
不受風霜色真於栝柏同怪來河上老先植太清宮

植紫荆

尋常紫荆樹花正紫一何稠愛爾宜兄弟移之共息遊
陰連雲氣合香口心露華幽蕭灑江淹頌金毫未易酬

植女貞木

一名冬青

為愛華林種雙株手自移試看羣卉色誰比萬年枝
映雪浮蒼靄先春發異姿從來貞女意獨有歲寒知

初夏文錦閣對雨二首

晏起臨孤閣軒空暑氣清湖添新水漲峯入亂雲平
薜荔高連屋魚龍近狎城雨中芳樹色流睇不勝情

其二

古木寒煙集方塘野水侵積陰常蔽日環堵自愁霖
黯澹憐芳草微茫辨遠岑樓居一高視天地總浮沈
王行父同廖珍之君直俞本之見過文木園小

飲時兩兒在侍行父有作賦此和之二首

小徑偏佳客初筵但濁醪石隨簾出沒花與席週遭
共戀朱明景兼聞白雪操病夫先怯醉投轄任兒曹

其二

自喜逃名去何期間字來辟人甘學圃留客與登臺
花石供幽興風雲待異才侍童諳楚曲聊以送餘杯

夏日同莊則勸程萬里暮泛北湖

五月仍春服江平雨乍收客懷殊放浪山意亦遲留
遠樹移新月輕雲送白鷗不知人世裏何物勝滄洲
與則勸萬里飲石蘭橋

欲覓浮觴處村流澗見侵且憑橋石醉更覺野情深
片雨懸高隴飛泉出茂林不煩操綠綺二妙已知音

讀羽王萍浮集因贈四詩

樗散從人棄萍浮奈爾何官馮遷謫老詩藉水雲多
不是憐同病誰當屬和歌世情虛按劍此物竟差我

其二

莫怪張平子清時更四愁由來千古意只博十年流
得句安貧病無家感去留秔林誰伯仲澤畔好相求

其三

海內論騷雅瑕瑜總見珍時名多後輩古意獨斯人

倚馬工無敵雕龍捷有神已能驚象緯不必畫麒麟

其四

駿骨虛高價羊腸自畏途枕書長日靜吹劍落星孤
武庫才難盡文園病未蘇今名兼達宦須信古來無
晚過通真觀訪載道

愛此斜陽色偏於雨外驕暝煙澄古觀霞彩霽長橋
水擁金銀闕山披雲霧綃正須吾與爾掃石話漁樵
仲將明府自山莊移居西郭外不遽見客作此

簡之

中車已入市猶自厭逢迎背郭新營舍臨流便濯纓

官貧餘舊業機息悟浮名花底盈樽酒何時共汝傾

同徐懋誠飲石蘚亭作

園荒久不涉花落漸無多與客攜樽入驚秋奈老何
蘚痕侵戶牖蛛網蔽藤蘿只似行吟處重聞孺子歌
視仲將病歸而有感貽之二詩

劉郎何自苦陋室引荒藤據榻形相弔披衣骨未勝
有家仍逆旅無定亦禪僧白首同袍者凄然百感增

其二

吾黨奇男子遨遊歷大方歸來甘抱膝何事不迴腸
倚劍終難奮調琴祗自傷至人齊物理千慮且須忘

惠上人繕造上方寺成自姑蘇來乞詩因贈二首

緇衣叩巖屋云是上方僧錫卓東吳勝經傳外域燈
遂能開二梵無用品三乘一水杯堪度飄飄共汝登

其二

倚雲新梵閣清暑故吳宮海色旃檀外經聲縹緲中
乞碑留偈好開卷臥遊同未入青蓮社招攜仗遠公
同楊張二使君登東城樓

城頭水漸落荻外峯全明寒日下洲渚北風吹杜蘅
登樓一以望對酒不勝情何處起雙鴈當窻流楚聲

送俞本之下第還姑蘇

適楚名難遂歸吳計轉貧霜風飄短褐雪浪擁前津
況是悲秋日偏憐泣路人停舟不一醉何以慰交親

送楊仁父使君入覲

夙駕朝元會明堂直北開衣冠羣后集玉帛萬方來
應嶽呼天壽臨軒寵異才便應簪筆侍寧獨賜金回
同羽王攜酒邀汪方二山人泛舟二首

載酒出林垆江光忽杳冥旋移青雀舫故近白鷗汀
野景殊難敵深杯莫放停坐看山霧暝波上湧羣星

其二

城居忽不適雲水一追歡却借羣山色聊供二客看
淺沙分燕口高岸束鴉灘蕩漾舟前月真疑夜雪寒
通真觀訪惟一因與步過北園

小圃隣仙院平分野色幽偶攜蓬觀客來作竹林遊
蹊逕填丹葉茅茨帶碧流無須著亭榭已可當玄洲
爲汪伯玉司馬悼其太夫人二首

省覲私明詔丘園藉主恩板輿方動色桐杖忽銷魂
愛日腸應斷終天骨僅存向來噬指意灑血與誰論
其二

象服山河竝蠶宮禮數優承歡羅鼎俎獻壽走王侯

婺隕蘭閨夕風生總帳秋升堂吾已晚何日拜松楸

冬日與仲美對菊

菊花何大傲歲晚獨含英一夜迎寒發繁香遶屋清
却持霜後色來助酒邊情醉眼仍相媚流光忽自驚

種花

十月氣尚暖移花自近村細鋤疏地脉深灌及雲根
密葉青連榻脩藁綠映樽間居賦中景不忝在吾門

題孔陽宗侯依隱亭

公子憶趨庭蕭然抱一經念從高士里曾結此君亭
室故留虛白名將託汗青渭川千畝色入望總儀刑

題熊汝端茂才書室

鄂縣中丞里貽謀屬象賢經營西塞麓坐臥嚮熊編
自悟虛生白因之靜草玄江深雲氣擁應抱伏龍眠

人日酬王行父問遺

新年苦風雪七日未知春偶起看梅柳蕭然傍隱淪
音書渾報玉酒脯亦分珍一水遙相望江雲故故新

酬陳在璞二首

在璞南海人故爲文學時遇予鍾陵道中以
詩見投定交而別今蓋十五年矣予已被放
歸田間而在璞適佐永川頃自永州遣使浮

洞庭而下凡二千餘里來致問遺兼贈二律

予感其意因用來體酬之

南州一傾蓋岐路各風煙喜我還山日逢君仕楚年
文從螭室著書度鴈峯傳不是心同臭那能遠見憐

其二

信使來何遠林間叩薜蘿俸分營道米舟狎洞庭波
郡閣雲山僻詞場意氣多瀟湘只一水脉脉奈愁何
關羽王過江集悲感成詩得四首

爲覽涉江賦深悲行路難量移趨上國何事繫南冠
一語飛相厄三驅忽見寬只餘雙滄淚沾灑朔雲寒

其二

天塹雄南北嗟君數往來詩存江上草心死獄中灰
卽有全軀幸寧忘刑足哀投荒萬里外何物解憐才

其三

結舌安流播傷心飽亂離客程懸鳥道妻子託鷓枝
氣盡逢誰吐詩成祇自悲 賜環恩未報那敢學鴟
夷

其四

燕臺招士日梁獄上書辰斧鑕留疆項風波穩側身
頗疑詩作祟莫怪老增貧屈賈原無罪千秋自逐臣

邵子俊見訪

骯髒毘陵客無家滯鄂城字能工小篆詩欲變新聲
訪戴舟何遠干齊缺未鳴問奇無所有聊與一樽傾
送子俊遊梁

解榻正歡晤擔簦復遠遊看花過菟苑訪古入嵩丘
雪月梁王簡風霜季子裘能無知己遇雙壁向君投
胡載道攜其子伯良見過

春雨何曾歇春花都未開坐憐韶景盡猶喜故人來
久客誰同調攜兒亦異才山城兼味少葵藿薦深杯
與伯良

詹事司馬
卷之六
三首
年少胡家驥聞詩自若翁一寒殊不厭諸體漸能工
辟地哀王粲忘年交孔融游揚總未適所志在冥鴻
羽王移息東署見招同求叔夜飲

繫匏官不調懸磬室頻移且寄滄洲與同傾濁酒卮
曾城起織月古柏動涼颼客有題鸚鵡披襟思益奇

家兄宅同呂章伯吳求叔俞敦甫劉世觀暨兒工

良對花小飲醉中作

不忝連枝會親交喜共攀涼生花雨後歌入水雲間
好鳥鳴深樹飛霞宿遠山斯情況斯景取醉莫言還

宿楓林寺

竹塢新停雨楓林未受霜門延青嶂入寺與白雲藏
細籟調清梵輕煙吐妙香總於人境絕高枕悟明光

送侯少叅分守湖南二首

古道沈淪久何圖復見君赤心渾自照丹漆本無文
雨露千家足謳歌列郡聞明廷恩澤詔萬里下江
濱

其二

向來名御史簪筆侍楓宸一涉江湖道爭憐社稷臣
帝鄉馮保障蠻府受經綸莫訝旬宣遠應酬寵命新
舟夜聞鴈有懷

寒鴈起何處悲鳴夜未休已忘關塞遠猶畏網羅求
江樹隱微月野雲平古丘潸然思舊侶天地一漁舟

晚過南城潭

緩撥沙邊棹貪看雪後山柳縈荒堞暗河逐大隄彎
出沒林扉亂浮沈水鳥閒晚風吹片席安穩逆流還

楊使君攜酒枉過北園

學圃安吾拙何當遇使君紆車臨水石載酒酌松雲
野色孤亭合林霏一鏡分只憐侵坐處梅落故紛紛

吳叔嘉至

問君何所慕千里犯江濤不自安吳語相將學楚騷

掃雲留下榻巖石待揮毫勿復嗟貧病銜杯助爾豪

讀羽王東漕集悲感成二詩

白下饒山水君行更舊遊那知佳麗景偏結古今愁
末路身難側清時淚未收轍鱗思縱壑誰爲決江流

其一

念爾將漕去逡巡謁大農一官從夔屈羣態迫龍鍾
恥受倉曹識寧爲委吏容行藏誰自計杯酒托浮蹤

送季子無傷赴武昌應校二首

一藝何堪錄憐當十五時逡巡趨里選特達冒羣疑
小試青雲器常含玉樹姿許身先孝友母忝丈夫兒

其二

江夏先賢傳黃香與孟宗孝哉吾所慕行矣汝須從
不易三公鼎堪銘萬石鐘 聖朝需國士寧獨幸遭
逢

冬日遷葬先大夫暨先恭人于蓮花山張使君

同諸文學官并諸鄉大夫枉過會送志感四

首

負土營新兆穿泉築夜臺山川重託體雲日總銜哀
弔客芻堪束行坐櫬可材平林飛蓋出誰策素車來

其二

為藉烏經術新移馬鬣封容棺開石窆豎碣表雲峯
客聚疑觀禮示衰信毀容可憐垂老夢時與二親逢

其三

野徑鳴騶過傳呼到使君言修會葬禮親勒挽歌文
山奪芙蓉秀杯浮秬鬯薰憐予淪落久何以報慇勤

其四

二老俱裘褐天書晚見褒漸無嘉績奏只錄義方勞
尺土規羣象前山駕六輦倚廬謝賓客雙淚濕蓬蒿

阮汝真過訪留酌

素交殊不薄垂老劇相憐為赴看山約時停上瀨船

隴上雨差足莫愁三逕荒魚乘新漲躍鳥避疾風藏
花落不成錦竹鳴如鼓簧却驚圖畫裏新結輞川莊

其四

宿靄迷山徑懸泉響石池踈荷青歷亂茂樹綠參差
暫阻攜壺客聊親抱甕兒日長從起臥蘋末動涼颺

北園酌茂承

五年三見訪千里一知音末路誰風雅交情自古今
竹間雲作臥池上石爲林多少留君意松醪款自斟

聞羽王解官同胡茂承方仲美王行父過訪留

酌

自得解官信歡然理篋書念當辭故舊亦復重躊躇
賦輟三湘弔歸營五柳居今朝且杯酒時態欲何如

夏夜同丁元甫王行甫胡茂承方仲美湖上泛

月

泛泛平湖月鳧鷖總不猜遶城千樹盡迎艇萬峯來
空際發簫管鏡中行酒杯清光戀佳客深夜此徘徊
李鄭二少叅見訪北園留飲竟日酒間賦二詩
爲有園居癖無營日掩關那知金紫客亦到薜蘿間
旋覓村中酒同看竹外山坐深涼意足石隙瀉潺湲

其二

不憚郊行遠衝炎竝馬來入門先脫帽隨石坐銜杯
竹里幽人社蘭亭異代才酣眠綠陰裏簫鼓莫相催

涿州卽事

幾日清秋色沙頭樹已殘夾谿橫怒石擁棹落驚湍
鴈侶俄相失鷗行轉自安前峯如列戟聊倚暮雲看

晚過排市

絕岸遙相距中流迴自寬鳥歸山市暝楓落水村寒
玩世曾棋局藏身只釣竿孤舟天地外雲石總奇觀

焦灘舟中獨酌

席掛千峯過灘懸二水分蓬間下木葉几上結秋雲

自信漁樵侶堪同鷗鷺羣呼兒將濁酒淺酌送斜曛

西禪方丈留題

密樹隱禪關疎鐘出亂山徑隨龍藏遶泉作虎溪灣
夜伴空王卧朝留半偈還前身都莫問駒隙過人間

陳良孺茂才以詩見訪因贈

之子正英妙遠遊何愛勞涉江心獨苦哀郢曲彌高
叩我來空谷論文進濁醪相將橫羽翼那得久蓬蒿

初春仲美至自郢觴之北園

白雪久無和君今郢上來春盤聊藉石露冕一登臺
屐滑縈新蘚杯香泛落梅清歌遶林麓雲物與徘徊

答黃州鄒使君二首

雨壑來單騎雲林到遠書清風在江漢佳句總璠璣
佩擬秋蘭結金分月俸餘盈盈一水隔相望欲何如

其二

驚聞辭漢署臥治楚黃州郡事山雲見時情漢水流
名高舊題柱興至一登樓卻有巖棲子知君似隱侯

夜泊散花洲

周瑜破曹兵後
醜酒散花處

一區芳草色云是散花洲無復周郎反惟應漢水流
雲生西塞麓月隱大江舟旅宿依漁岸寒鴉噪未休

過行甫柯山園四首

買舟三百里江上見柯山古徑雙橋外方塘萬木間
入門花石喜留客水雲間若與王猷共山陰那得還

其二

性癖耽幽勝風雲奈汝何寄情都不淺乘興一相過
宛轉看亭榭陰森坐薜蘿移樽從所適山鳥自爲歌

其三

藜簞開作徑灌木不知年未解亭相錯翻疑地屢遷
烹葵支舊鼎種樹續新編總失干時計端居亦晏然

其四

散步出幽籬羣芳送酒卮隔城巖漏下近寺暝鐘遲

秉燭雲生榻停歌月滿池不禁酣欲臥敢謂老能詩
雨中渡江酌行甫仲美

一葉看山棹凌晨破浪開煙橫極浦暗雨挾萬峯摧
鷗鷺棲樊口蛟龍撼鄂臺中流不知險與客劇銜杯

望寒谿寺

不見寒谿寺惟聞谿水流入江渾是雪帶雨忽成秋
海國文殊像禪林浪士遊樊山最高處騁望白雲愁

志稱陶桓公得文殊金像於海上送之寒谿寺

止熊中丞故居與其伯子夜談

風雨江天暮淒然感舊遊向來投轄處復作據牀留

對酒忽不樂解衾聊自休九原無缺事珍重屬箕裘

舟次蘄春避暑法勝寺顧大叅子承按察子良

董司理友仲易州牧子田攜具見訪

梵宇千門遶僧房一鑑幽艇分蓮葉出軒抱水雲流

凝結逃禪會何當載酒遊卻疑陶令醉三笑虎谿頭

過龍眼磯 在蘄州江心

片石亂流中巋然抗佛宮諸天龍樹表萬象蜃樓空
花雨都成雪濤驚不為風孤僧容膝處應與海門通

羅敬叔見過二首

落落南州士行歌信遠遊相將窮海嶽亦復叩林丘

黃鵠思高舉明珠忌闇投幾年懷一刺而我愧名流

其二

豫章舊遊地諸子解言詩古意紛相命新聲久漸移
得君何大晚顧我若為私攜手當搖落翻增楚客悲
北園酌楊伯海

新知情不淺小飲興偏長學圃藏吾拙看山藉汝狂
毫端開五嶽句裏激三湘蕭瑟東籬菊還堪日舉觴
送伯海東歸

汝泛東歸棹夷猶雉水濱不堪搖落思又向遠遊人
彩筆應忘老青山只助貧江門千里月相望獨傷神

乘上人過訪蓮華菴索贈

老衲浮江至還如認鉢年抱經燃綠桂說法吐青蓮
借宿雲林下真空水月前孤踪渾不定隨處有人天
王行甫再過北園

短檝犯江濤頻過不厭勞知君重然諾念我在蓬蒿
對菊詩偏美看山飲獨豪相將乘野興攜手遍蘭皋
行甫同楊伯海陳良孺見過大雅堂賞菊

草堂惟有菊萬朵不勝寒只好徵君醉寧供賦客餐
暗香浮入酒野色豔垂冠奄忽秋期逝當歌且盡歡
富口江岸與行甫及諸親舊席地翫月痛飲成

詩

落日停孤棹親朋載酒過沙頭披野服浦口發漁歌
晚霽霜華薄天空月色多隔江山不斷飛影障洪波
初冬偕王行甫黃子登莊則大涉江遊陽城洞

四首

鼓舵涉江去江干日正晴會心多石色浣耳是泉聲
竹外水煙靜雲中雞犬鳴飄然躡飛蹬山鬼莫相驚
其二
一徑穿田入雙湖夾隴開山迴儼城郭雲起卽樓臺
好結漁樵侶無妨鹿豕猜洞門欹片石聊復坐銜杯

其三

靈竅幾時闢奇遊我輩先乍窺疑海市深入又壺天
丹府雲霞異青城日月偏已於人境絕不必更逢仙

其四

雪溜穿層峽霜藤垂古崖雲從衣袂出石似水宮排
隱約藏金檢熹微見玉階龍湫深不極時自吐陰霾
舟還富口卽事贈子登則大

一水通靈境招遊興不違浪驅雲氣盡帆背夕陽飛
近磧喧漁唱臨流振客衣詩成留二妙何異舞雩歸

題三吳首善卷

三吳首善者吳江士大夫頌其令徐子作也
徐子予門人登第領邑久失相聞乃從斯卷
聞其以善政冠三吳喜可知已俞生遠來為
索贈言因賦一詩寄意

為憶吳江令曾從南郡遊行能今異等經術故名流
試聽弦歌發寧誇水政優東南表三善應待史臣收

武昌黃茂才以仁過訪索題其書室

負郭齋新闢穿雲徑始通江聲迴鄂渚竹色隱吳宮
問業吾何有論文汝自工今看下帷處還與董生同

郭仰甫自武昌再過以詩見質因送之西歸

為愛雲林僻招尋數酒杯不辭江上險又自雪中來
詩法從誰授幽懷藉汝開飄然去何適卧傍楚蘭臺

雪夜莊則勸張子元過飲

臘盡寒初厲樽開客正過雪華山郡滿夜色草堂多
狎語銷岑寂深杯慰輶軻綈袍猶自薄將謂故人何

蕲春江上謁禹廟

山遶鴻沙曲城憑鳳嶺孤古祠銜絕磴飛浪灑平蕪
萬里來江漢千門過舳艫可知神禹蹟浩蕩古來無

再過行甫園四首

野色春初換山行客又來僕夫諳舊徑童子進新醅



卷之七 三百九

一榻仍依竹重林只放梅深杯起自勸不為管弦催

其二

率爾過吾子依然面此君塢藏經歲雪樓瞰隔江雲
木石都含意親朋盡好文交歡殊不厭酪酏臥斜曛

其三

藜樾相虧蔽山亭自鬱盤鳥忻新雨霽花怯早春寒
積蘚支芒躡飛藤挂籜冠總無浮世景何減昔時看

其四

忽訝林亭改由來木葉稀縱歌憑水榭散步入煙扉
令我經時戀宜君與世違細看蘿薜外何事不成非

舟中酌丘謙之

野色上微服春風吹野航滄江一握手明月劇傳觴
舊事浮雲盡新詩末路強憐予已衰白歌發尚能狂

漢口卽事

江吞千折水堤遶萬家村蔽岸停商舶爭途入市門
北風湍溜急斜日井煙昏十五當壚女新裁犢鼻褌

漢口進舟遇六十初度寄內

江行曾幾日旅泊又流年老態欣無恙浮蹤信所便
旋呼生日酒重著遠遊篇寄語閨中婦風波倘見憐

由漢口入郢雜詠十首

尾尾同蒙 卷之七 張

向來聞漢廣垂老未經行一葦新乘興羣山遠寄情
水痕高樹積沙氣曲汀橫緩急從風候無勞問水程

其二

幾日孤帆影遶迴二別間長年驚自笑客子去如還
水脉纏三楚江門象九關前津開灝景努力更追攀

其三

漢水幾千曲飛流自隴西到來雲夢闊翻覺楚天低
積潦平江縣垂楊匝古堤踏春遊女出彷彿浣紗溪

其四

雪浪高湏口津途日以遙牽江無錦纜擊汰有蘭橈
岸岸春培柳家家夜緯蕭不須妨物色吾已混漁樵

其五

反照江村暮漁人別浦還負舟藏屋裏收網掛林間
有客旋沽酒無營自掩關何曾識城郭只共野鷗閒

其六

村女無膏沐劬勩攬褐衣侵晨提甕出薄暮刺船歸
網得江魚美持襍隴麥肥時平生計足夫子願無違

其七

犯險臨南紀安流涉內方幾村魚作市萬戶水為鄉
夜渡偏行旅春耕半女郎漢濱人已遠懷古意偏長

其八

行遊良自適况復美人俱日傍水雲醉那知江路紆
堤青舒苑柳野綠散蘼蕪望嶽仍千里長吟且共娛

其九

散步江干好胡牀坐亦舒憐人最春色適意總吾廬
薜荔全遮屋鸕鷀巧趁魚芳洲美蘭杜采采動盈裾

其十

前山雨忽霽春色竟陵多古樹蒙丹壑平沙上白波
却醒神女夢來聽郢人歌風物應留賞飛帆莫漫過

楊仁甫招宴文選樓

風流蕭太子結客此論文重鎮仍南土高齋空白雲
坐中三峴出天際一江分佳會不深飲將無負使君
夜從侯欽之憲使過飲唐相張柬之園

登高有餘興扶醉入平林露柏移燈緩煙蘿布席深
烏棲唐相宅石泐漢江潯勿復嗟興廢須臾是古今
南巖宮四首

回看金碧色隱約斷巖中樹杪飛雙闕雲間挂六宮
至人棲廣漠大道在崆峒玉檢先朝閱祥光自鬱
蔥

其二

循崖俱斗折度隴忽雲蟠石捧元君殿霞封太乙壇
萬杉蒼靄合千澗碧流寒多少仙人迹扶筇面面看

其三

靈竅五丁鑿仙家六箸傳言尋度世蹟尚紀入山年
藥就軒皇鼎池分夏后泉層崖一借榻穩傍太微眠

其四

薄暮山仍雪凌晨景忽空凍雲迷虎澗積蓋覆龍宮
景物行俱幻玄真悟總同何當此冲舉萬里御天風

雨中過陳繼懷園亭留題

築圃纔盈畝分畦自一區雨增苔石媚煙裊竹垣疑

拂檻鳴青玉披蓂散綠珠移樽覓幽賞豈復畏沾濡

寄題程汝正丹山別業

見道新營圃蕭疎一水村峯陰移白嶽瓜種乞青門
掃石雲生榻穿林雪滿樽閒居足幽意何減在崑崙

顧子承先生枉過園居卽事四首

十年三訪戴今始不迴舟

先生嘗再入下雒湖漲湧並以風逆反棹故云

谿流穩春深野樹稠暝煙侵石戶纖月起山樓靜聽

玄家語真從世外求

其二

江鄉推大老今古臥龍名屢謝玄纁聘偏深綠綺情

看山聊木榻佐酒只尊羹向夕聞黃鳥慙予亦友生

其三

豈意幽人巷仍停長者車高風存古昔雅道屬樵漁
瀑掛山梁迴煙縈水檻虛從君操几杖何地不蘧蘧

其四

偶出寒蘭杜因之造薜蘿萬山銜雨過百里聚星多
霞外赤松侶酒邊青桂歌風泉落幽磳不減奏雲和

夏日黃山人孔昭過訪

長日惟高枕那知叔度來綠雲生野服脩竹引深杯
却訝年俱杖山人與予年俱六十猶慚賦異才清秋良可待三

逕且徘徊

答熊長公見懷

江上傳佳句山中暑乍收萬家方閔旱一字迴迎秋
短髮勞相憶明珠愧未酬此時鱸正美何得奉清遊

送張禹卿

君行何落落秋色滿蒹葭逆旅看浮世詞才屬故家
且乘涼夜月一醉石林花明發孤帆影江樓望漸賒

李劉二山人枉過園居

自愛巖居僻秋深二客來涉江詞竝美過剡興難迴
且狎青山醉都忘白髮催為憐佳會少乘月更登臺

贈李生

盱江曾立馬不及叩斯人何意幽棲處飄然遠見親
月中花似雪杯裏髮如銀未復傷遲暮遨遊興正新
聞故人沈純甫復官志喜二首

微官不解事一語欲回天死訣投荒地生餘謁 帝
年仙班誰舊侶優 詔只名賢直道無今古賈生還
席前

其二

去國關何事還朝此一時天心存骨鯁吾道起鴟夷
瘴癘身差健冠裳夢亦疑向來梅福疏曾恨徒薪遲

宿瞿伯明新居留贈二首

萬井羅江市君家却面山徑穿池樹僻堂抱野雲間
與客看垂釣邀僧學閉關偶乘幽興入高枕聽潺湲

其二

屋角高江沸庭心大嶺橫漁樵安素業杯酒話閒情
委巷車塵絕寒空雪意生不妨經再宿與結布衣盟
答熊惟遠問詩

學古虛稱老譚詩却未工汝今懷壯志猶可激頽風
郢客歌誰和湘靈曲易終未須憂失鵠巧力在調弓
詹鵬翼過訪

叩我輕千里兼之雨雪深卽從攜手日先識好文心
握筆工秦篆聞歌變楚音歸途寒未解且復臥雲林

酒間再贈鵬翼

婚嫁已云畢遠遊從所知名山窺鳥跡應手勒龜書
擲杖重巖下開樽霽雪餘坐中談白嶽霞彩鬱吾廬

泊湓城

帆落潯陽渚山川是舊遊峯雲仍九疊江色自孤舟
湍急漁人狎津重賈客愁銜杯忽自笑不及浪中鷗

過馬當

馬當天下險茲涉竟安流不是無風浪居然狎野鷗

江光三楚合雲氣九華浮所至多奇覽何辭汗漫遊

泊東流彭澤門人何士譽追至舟中夜酌道故

而贈之以詩

何郎別已久江上忽追隨末路才空大衰年會亦奇

繫舟談往事將酒慰離思醉枕波間月應忘抱玉悲

何生言當從貢籍赴京受文學官復有此贈

南郡從遊者論文汝最工過時名轉薄垂老籍猶通

釋褐憑經術擔囊赴澤宮倘分都講席吾道未應窮

荻港舟夜與仲美醉月

夾水千家市晴沙護赭圻賈檣依露渚漁火出煙扉

片月迎潮上驚鳥遶樹飛深杯夜欲旦猶自戀清輝
過采石與仲美小飲

何處然犀浦飄颻采石東春蘋依渚亂午浪觸山空
指點虛陳迹登臨自古風猶憐宮錦泛不與布衣同
江行望行甫不至

東遊興已發西望不勝情問酒誰爲侶看山夙有盟
徘徊湓浦岸忽漫石頭城何事王猷棹猶然滯水程
喜行甫追至金陵

待汝新林浦江花忍自看俄然飛席至便作倒樽歡
賦草克行笥煙波狎釣竿方舟遲明發隨地采芳蘭

白門逢故人楊翼少之孫忠裕有感貽以三詩
有序

翼少先生仕

世宗朝爲左給事與余同舍余每嚴事之蓋先
生負文武才而忠鯁峭直不能媵阿於時屬
分宜在政府盜柄作威福而羣小相附各縱
其回先生竟爲所中以言死天下莫不哀之
先是其子應祈伏闕救父不能通扼吭死而
忠裕生才一月楊氏其微乎暨

穆廟改元追錄先生遺忠敕有司爲起冢而贈

之官賜之祭且錄廕其後則忠裕已能拜
命矣今先生下世垂三十年余偶遇忠裕白
下愴然思舊情見乎辭

先朝楊給事死諫亦逢干赤日心爭烈黃沙骨已寒
詔書俄起冢冥錄漫彈冠孤憤留青史乾坤萬古看

右悼翼少

其二

伏闕天逾遠捐軀策已窮總緣家不造翻得世稱忠
事與緹縈類冤非石奮同一時雙櫬返煙雨暗江東

右悼應祈

其三

倉皇家難後誰為託遺孤合是忠魂在猶沾 帝力
扶詩能揚祖德名已拔泥途白下驚相見翩翩一鳳
雛

右慰忠裕

真州訪吳孝甫不值云之楚遊數月矣

為有吳山約停橈一問津如何東道主翻作遠遊人
草綠垂晡日花繁欲暮春江干好沽酒興發向誰新
吳門遇王元禎與之飲酒

汝客吳門久相逢問故鄉父風殊不忝遊興亦何長
苑樹容連棹江花藉舉觴似能憐老病何敢厭清狂

周達之文學見訪舟中夜談

有美東南士浮槎遠見過五湖傾蓋晚一日飲醇多
古色蒼龍劍新聲白苧歌交歡夜垂午攜手視明河

閱張左虞將軍詩賦贈二首

為問張都護傳詩自阿誰斐然諸體合先受二王知

元美兄弟竝有贊左虞詩日藉金戈挽場爭鐵騎馳相逢司馬里

但恨託交遲

其二

吳中故多士將種亦論文自解通侯印躬操匠氏斤
雅歌臨大敵高視薄前軍豈必燕然石區區勒漢勳

同敬美罔伯郊行將酌司馬公墓

偶竝肩輿出東原春事饒野田低近海溝水曲通潮
新柳護沙岸繁花隱石橋西州猶未過悽惻旅魂銷

酌司馬王先生墓四首

自失吾夫子含心賦大招生芻寧比玉宰木已干霄
淚迸三江落魂經萬里銷林端出華表歸鶴影蕭蕭

其二

自有驅馳役常懷剪拂恩令儀長夜隔師道百年尊
悔失從廬墓慚當負及門空山一灑淚悽惻薦芳蓀

其三

負土嗟無及登山倍黯然松陰猶故第海色自新阡
門闕三吳冠朝紳累葉傳主恩終不薄高冢象祁
連

其四

遣祀中牢出行營幕府同不須陳往事已自表遺忠
海國悲埋玉天山想掛弓衰年門下士何處叩蒼穹

盧少府懋貞暨其子中舍嘉言同幼于載酒追

至吳江垂虹亭見邀為長夜之飲賦此酬之

美人殊好事載酒遠相追月擁孤城過虹憑萬石垂
雅歌留郢客妙舞出吳兒老態婆娑甚懽心不自持

王承父見訪舟中話舊

與君別何許相見已龍鍾漸減詩文癖差為禮法容
酒杯銷萬態漁艇寄孤蹤抵掌陳今昔將無夢裏逢

飲姚伯道白雪齋

取意營清室留賓罄所歡圖書開靜几竹石蔭疎闌
酒釀茗谿綠歌調郢雪寒新知有如此那得不盤桓

登姚叔度玄覽閣留題

美人能習靜築閣小堂西案貯窪樽石軒憑罨畫谿
春山雲氣合芳樹井煙齊客至耽清賞都忘白日低

周叔宗與其弟季華自吳江追送至吳門留別

二首

江東舊家子雙玉挺清標問字交非淺移樽送獨遙
綢繆將解佩信宿且停橈茂苑看花落酣歌興轉饒

其二

少壯詞華美風流酒態真三江一以晤累日見情親
白舫寒行慢楓橋指去津津前望顏色已是夢中人

題周伯從書室

汝自青雲器齋如白玉堂圖書踈牖下花石小山傍
世德姬公裔高風季子鄉異時看策足不數漢賢良

甘露寺

寺有梁武帝書天下第一
江山六大字今不知所在

甘露前朝寺層峯表上方古題曾御墨深樹只經堂
城郭千家小江流匹練長僧歸煙雨外鐵塔坐焚香

登摩雲亭

亭在寺山絕頂臨大江

名山最高處萬石捧孤亭日迴江光白天空海氣青
振衣超十界趺坐擁羣靈便好供垂釣還愁動客星

別元禎

怪爾交遊廣由來著述工悲歌曾郢上佳麗且江東
貰酒歡相藉歸舟悵未同蘭蘅滿湘澤慎勿委秋風

荻港舟中別羅伯符二首

任俠新都士遊談信所之幾年成汗漫千里復追隨

輟棹時沽酒篝燈夜賦詩魯明江上別煙雨助凄其
其二

汗漫東遊客孤舟藉汝多不緣逢酒伴誰爲答勞歌
雨暗繁昌柳鷗凌荻港波一樽江色暝分手奈愁何
冬日胡載道見過酌中有感成詩

三年不我顧一顧轉驚心未厭交遊薄其如老病侵
濁醪支永夜寒月助微吟閱世無常態藏身幸茂林

過東河訪劉伯文

古構依雲麓喬林俯石谿偶來穿舊逕深入叩幽棲
細酌交情見微酣老態齊遠峯青入坐不必更攀躋

酒間贈黃思素思貞二孝廉

楚國明經士誰應似二難價爭崑壁重名竝汝龍看
白屋克圖史青雲刷羽翰論文且杯酒花底一交歡

送吳孝甫遊武夷二首

把酒歡重接當歌惜又分言隨彭蠡鴈去謁武夷君
九曲潛通海諸峯盡入雲昔遊曾汗漫猶自想清氛

其二

好遊殊未已合自有仙風氣挾名山壯詩憑逆旅工
幔亭張廣樂石筍刺穹窿倘遇餐霞侶應窺萬象空

歲暮答羽王見寄

風雪蒼梧道淒清鴈侶哀歲窮千里望天遠一書來
感別還詩句寬愁只酒杯風流看漸盡何敢漫論才

其二

大曲替龜賦清琴盡人雲昔羨曾平曼餘自慙青
賦西燼重封當燭帶又公言剖邊蒸為去國左夷昔
送吳萃甫遊左夷二首

白呈京圖史青雲賦賦解篇文且林郎亦亦一交燼
焚因即登士籍賦賦二賦賦年良楚重谷遊火替音
西園領黃賦素思貞二萃煎

旣甌洞藁卷之十八

武昌吳國倫著

始安張鳴鳳校
新安方尚贊

五言排律五十四首

燕臺秋思四首

戎角晚來頻客愁秋更新食魚思故國捫虱向時人
吏有莊生傲家徒原憲貧邊烽常墮淚岐路敢謀身
計失虛焚草時危已積薪飯牛歌白石驅馬走黃塵
碌碌終何事乾坤自隱淪

其二

帝城寒色動仙掌露華甘白馬盟猶在黃龍戰未酣

材官守薊北使者下江南賈傳空長息嵇生故不堪
側身聊自託揮麈向誰談俠氣青萍劍愁心碧玉簪
文章如不朽汨沒復何慙

其三

檣散已成習逢迎真厭勞泥途甘曳尾塵世且持螯
白眼從相視玄心信所遭風塵淹墨綬歲月負鈇刀
秋思隣砧急鄉書海鴈高百年期鮑子孤憤謝山濤
坐感羣芳歇悠然憶楚臯

其四

燕臺臨易水登望欲銷魂九陌秋陰澹諸陵日氣昏
風來萬葉下虜過幾家存實寒空民力和戎負主
恩憂真同杞國淚不待雍門搖落誰堪賦羈棲未可
論安危有將相俯仰任乾坤

送方兆行調寧津令

楚國多才士誰如方叔賢策名三仕後獻賦十年前
花憶河陽頌堂虛單父弦人家滄海上公署太行邊
民力蜚芻盡軍聲羽檄偏寸心寒就日雙淚盡憂天
曼倩官爲隱王喬令是仙贈君惟一劍古色重凄然
寄儀隴劉明府景仁

自領巴西邑風煙萬里賒巫峯窺露冕錦水度星槎

山吐琴臺月城標劔閣霞一官仍浪迹多病且天涯
關塞魚書斷風霜鳥道斜客愁深漢壘春思慘胡笳
感別經時序懷歸悵物華知君能戀闕北望起長嗟

香山寺

不盡登臨興其如搖落何香臺凌縹緲紺殿鬱嵯峩
古壁璇題蝕先朝翠輦過雲深龍藏杳地迴鷲峯羅
塔勢飛金掌林聲散玉珂山腰垂列磴樹杪出盤渦
北極開天府西湖引御河簷巢窺法鳥堂狎聽經鶯
寶座珊瑚蓋祇園雨露柯披煙探舍利拂石誦維摩
日落仍聞梵風高獨放歌明朝入城郭何處了諸魔

燕京篇同于鱗子與賦

擬賦燕京勝三都未足誇霸圖雄鴈塞古戍扼龍沙
北谷回陽今西山擁帝家天平恒嶽迴地險薊門
賒秦楚慚雞口侯王屬犬牙重城開御氣雙闕倚明
霞芳樹華陽館高臺易水涯談天曾碣石望海卽瑯
琊帶甲環三輔梯航走八遐風雲森劔佩雨露足桑
麻紫陌新豐酒紅樓宛洛花輕塵飛白練旭日麗青
縞雪色并兒劔星杓漢使槎羽林矜節俠戚里競紛
奢接軫趨長樂揚鞭過狹斜悲歌逢擊筑斥堠警鳴
笳七校傳清蹕諸陵望翠華豎儒何寂寞抱影獨長

嗟

病起即事簡于鱗子與

旅病經寒食春深花未開
抱書愁睥睨扶杖怯莓苔
九陌陰霾合三關羽檄催
何人焚諫草當宁任調梅
民力罷多難軍聲重七哀
聖躬勞社稷方士走蓬萊
憤激思嘗膽羈棲厭曝顯
世情驚一謬斯道屬羣猜
雙璧虞卿至千金郭隗來
眼中猶二子海內已多才
握手憐同調藏身恥自媒
畏途那可避萬事有銜杯

流河驛晚眺

日落江光隱沙寒雨氣侵
長天送遠目去鳥促歸心
楓葉早霜下芙蓉秋水深
賈帆飛樹杪漁網集亭陰
鷗狎中流棹鷓棲隔浦林
涼颺起高樹一為爽煩襟

臨清別莫戶曹子明

多病似相如扁舟歸故廬
嶽雲生縹緲海色播空虛
下榻憐知己開樽慰索居
儒臣憂國計王者念軍儲
涕淚燈前酒烽煙別後書
相逢非汗漫執手更躊躇

淮南舟中逢趙元朴侍御免官還會稽時以劾嚴相被

謹

短楫停淮海孤樽下夕陰物情殊黯澹吾道豈浮沈
容避埋輪使天知請劍心安危袞職重生死 帝恩
深有罪非懷璧無家敢問金側身妨世路抱影入雲
林前席漢臣淚他鄉越客吟恐君名姓變難向剡溪
尋

贈別南海梁思伯有序

思伯故相文康公之孫推恩當授中書舍人
不拜往從其外兄黎惟敬氏遊蓋因惟敬氏
識予也巳予移疾南還則邀至舟中凡數十
日抵淮南且別因賦此贈之

越客誰能識儒衣混酒徒青雲辭結綬滄海下乘桴
歲月三都賦煙霞五嶽圖俠陵齊士辯狂笑宋人愚
彩筆名方著朱弦調轉孤子行將嶺海吾意亦尊鱸
暮雨飛丹葉秋風起綠蕪何堪失侶鴈江上劇哀呼

次維揚寄懷宗子相

相將二載別何事一書無臥病山雲僻懷人海月孤
世情多按劍斯道有乘桴兵火懸雙淚煙霞信五湖
轉憂風雅息因感歲華徂咫尺心期阻何言在畏途
郡城樓席上別于鱗得華字

列郡今三輔專城屬大家登樓興不淺感別思偏賒

燧燧盧龍通關河鉅鹿遮荒隄蒸赤日大陸卷黃沙
拂檻流雲濕當樽落照斜沈郎歌八詠不獨憶京華

送張職方子畏募兵山東

吳越蠻兵集經旬未解圍三江流戰血六月議戎機
募士先東郡承恩下帝闈輜車乘夜發羽檄應星
飛射策曾生至請纓齊客歸風雲起屠販草澤藉光
輝報主情爭奮封侯願不違軍容開日觀使節表
天威海國思傳箭君王詠采薇南征破羣盜早晚慰
宵衣

病中答方戶曹兆行

獻賦少年時蹉跎領度支世情雙眼過國士幾人知
手自題黃絹心先泣素絲微風動塵尾涼雨入烏皮
伏枕還誰問開緘獨爾私兵戈殊不定吾道欲何之
周先生八十受封于京其子濟叔比部索贈言
詔起吳門隱名題漢署通九苞岐鳳瑞千里渥駒雄
侍從星辰切瞻依雨露同素封移橘柚華髮向鷓鴣
酒熟新豐市花明長樂宮恩侔歸尚父榮與載申公
籍已中朝貴人猶太古風向來鷓鴣冠子老去鹿皮翁
暫謝漁樵侶非貪羽翼功異時瞻紫氣或在函關東

病中感懷

詹垂川
卷之八
六
寒動薊門早秋生楚客悲邊聲紛羽檄朔色動牙旗
輸輓疲黔首縱橫走赤眉屢勤宵旰慮豈乏帝
王師國步應無改天心乍可疑常從視草暇實恐臥
薪遲萬類終塵土諸公自鼎彝且謀燕市醉難定鹿
門期

冬日述懷問元美病

偃蹇逢青眼參差禿素毫乾坤俱失馬歲月但持螯
漸改潘生鬢仍寒范叔袍依人羣態見閱世五兵勞
北戍猶千壘南征忽萬艘海雲連斥堠邊雪毀旌旄
楚璧甘人棄吳鉤祇自韜銷魂燕市筑入夢武溪桃

奈爾常消渴令予轉鬱陶閉門搜藥裹扶杖憶蘭皋
亂後偏哀郢愁深更反騷寸心歸鮑叔尺牘謝山濤
生死交期遠風霜病骨高斯文未應喪天豈厭吾曹

歲暮寄二仲兄

雨雪正霏霏殊方人未歸別魂南浦斷旅夢北山違
寒至思同被愁深擬拂衣兵聲天下滿客信里中稀
朝野身難定妻孥計總非君應稱小隱予已媿知幾
濯足滄浪水垂綸黃鵠磯囊空殊不厭家在好相依
寥落謝庭樹淹留漢省薇何當理舟楫湖上醉斜暉

酬張子畏夜過論文因示元美

詹垂川夢
河嶽挺斯人時名鬱縉紳俠傾齊辯士狂眇漢詞臣
興發衝寒過情偏對酒親旅懷堪日月吾道且風塵
雅鄭元殊調蕭蘭易失真知音仍浩蕩含意獨沈淪
右足還應削東眉敢自顰誰當起長夜客有唱陽春
埋照憎雙眼逃名畏此身可憐千古事耿耿竟誰陳

獨坐

獨坐澄心迹偏驚萬事新朔風寒抱影斜日黯傷神
海宇無寧歲朝廷有重臣自慚收駿骨猶得近龍
鱗國計仍緣木人才更積薪匣琴山水絕斗酒歲
時親夢寐衰吾道兵戈贅此身九夷應不陋四壁敢
言貧冉冉西山暮遲遲北谷春冷然動遐思孤劍倚
青旻

贈鄭若庸還鄴

鄴下諸詞客誰如鄭子真聲名雙白壁時序一綸巾
酒縱生平傲詩增老去貧蒲輪空借客彩筆更干人
縱有投珠路寧移蹈海身東關歌愈疾前席意難陳
揮手燕山暮迴車大陸春相逢竟何日天壤信沈淪

哭梁公實比部四首

乍聞南海信不淺北邙悲詩態看如昨浮生杳未期
縱橫心已折服食事堪疑別爾成今古令予泣路岐

龍舞洲夢 卷之十八
識知同賈傳死合傍要離朋舊名俱薄文章數亦奇
中宵沈象緯前路失旌麾且拭雍門淚重投汨水辭

其二

已矣梁公實吾徒益軼軻斯文元不喪天意欲如何
七子中原散千秋長夜過未應投魍魎或恐厭兵戈
海上遺金甕雲邊罷玉珂把詩仍氣色會面已山河
豈惜生芻遠應知宿草多漢關猶似昔無復伯鸞歌

其三

憶爾爲郎日詞林意氣親非關疲執戟祇自厭垂紳
獨步心難盡窮愁病遂真彩毫神物妬白首世途新
去矣歌衰鳳居然感獲麟珠還疑合浦劍失慘延津
問訊書空往追歡迹已陳風煙滿天地何處哭斯人

其四

得書曾幾日懷抱未能開尚擬趨秋省那知掩夜臺
詩名身後定符采病中摧丘壑難容汝乾坤豈愛才
五羊春慘澹雙鶴夜徘徊流恨秦春歇遺文漢使來
朋情生死見客夢古今迴莫向山陽路恐聞鄰笛哀
送姜太史節之使 楚王

天子分桐葉詞臣下柏梁共憐星是使況乃玉爲郎
江漢環宗國風雲護 帝鄉居人思過沛太史復浮

湘地險東南勝藩盟帶礪長晴山開絳節高浪出牙
墻楊柳停旌艷椒蘭設醴芳樓臺招鶴馭環珮憶鷓
行六傳中原路雙鋒北斗傍緘書如有意歸鴈自衡
陽

與子相夜酌遲元美不至

春事忽云暮浮生宜醉中鳴珂燕市滿看劔薊門雄
策足吾仍蹇揮毫爾漸工何才堪市駿斯道僅冥鴻
樹擁飛觴月天迴岸幘風登樓有奇思未與仲宣同

送萬兵憲彥和赴嶺南

漢署爲郎者論才汝更偏未須題柱後已識著鞭先

日月車塵過乾坤殺氣纏上方迴繡斧南海下樓船
地遠王程促時危使節專舉旗五嶺道開府百蠻天
兵革乘驄解文章徙鱷傳無令尉佗輩只道陸生賢

送陳比部恤刑閩中

帝下金雞詔誰其博望才星辰雙闕動瘴癘七閩開
仙使鸚鵡署離筵鸚鵡杯春花深擁傳海色壯登臺
紫劔獄中泣赭衣原上哀但聞湯網祝何異出車來

題況吉夫藥湖別業

何處招仙侶高齋草水濱向來洗藥地曾繫握蘭人
吏隱名非拙神遊事儻真湖雲青浩渺洞石紫嶙峋

未問藏鴻寶應堪醉角巾瀑飛千嶂雪天入九江春
馭鶴從吾適猶龍卽此身還丹爲日月守黑任風塵
誰爲遺湘佩予將老渭綸君無厭朝謁各自有沈淪

題戴子終慕堂

自失趨庭路殊傷陟岵情平原秋草色殘壘夜烏聲
實恐川陵易寧知燧穀更歲華愁併促風木恨俱鳴
紫碣哀猿臥玄臺弔鶴行衣冠虔伏臘祠宇肅幽明
雙涕懸終老千秋殉此生向來虞殞曲常使楚魂驚

夜泊東郡聞揚州寇急同惟敬愴然有賦

明月聊城泊浮雲魯甸驅歸心無日夜客計有江湖

何處來兵檄令予失路途歲頻驚萬象天或黨羣狐
烽燧深連楚樓船久困吳艱難思保障容易蹶師徒
夢屢熊羆卜名虛駿馬圖積陰寒大澤新鬼哭江都
城郭已漂杵風濤尚接臚漸看增赤幟那得貢明珠
朝野今多事乾坤此一區鯨氛瓜步掩龍氣秣陵孤
無賴窺天塹諸公翊廟謨未聞乘破竹實恐斷飛芻
行旅吞聲問山川奮臂呼亂離悲去國汨沒恥爲儒
敢謂滄桑變真愁玉石俱長安珥貂者只笑杞人愚
舟中自述留別惟敬子與二十六韻

何意黃金聘翻成白壁疑辨應窮客難夢已卜吾衰

赤管風雲妬紅顏雨雪欺死生懸諫草飲啄過憂葵
日月憑孤劔江湖重一麾身從時態側官藉主恩
移道路千秋覓行藏二妙知未愁同病少頗怪獨醒
遲擊筑燕京散方舟衛水隨相看成羽翼兼得避盱
眙才豈應劉忝名非李郭私黃河大地圻秦嶽遠天
垂棹屢停沽酒杯深把賦詩遂能驅萬象不獨解羣
願禮法何曾設佯狂任所之人間失意事我輩壯遊
時倉卒三吳寇縱橫六月師但聞叫百馬那敢咏蒼
狸舉火山爭烈奔濤血竝吹世情論扼腕國步在燃
眉竊有浮湘興重題哀郢詞星辰論北極松菊且東
籬嶺外歸仍遠江南去漸悲艱難持節使浩蕩及瓜
期後會誰還健浮生各未涯中原烽燧色處處礙相
思

題岳戶曹署中竹軒同罪廷鳴憲副徐子與郎

中分韻

何處堪題竹招攜有故人倚雲分鳳翅舍雨圻龍鱗
翠灑亭軒滿青翻石壁勻尊疑開少室客似坐湘濱
阮氏名空著王猷興頗真無妨在城郭差可避風塵
奉酬樂安王
帝子非無客還能問逐臣緘書來氣象束帛走星辰

折節如今日憐才近古人風塵交未定海嶽意先親
偃蹇遊梁賦支離入楚身圖南知技拙虛左負恩新
歲月泥途尾乾坤涸轍鱗名廿七子後術恥八公倫
玉倚寧相厄珠投豈見嗔嬾偏愁禮法病益厭簪紳
散髮西山麓放歌章水濱敢將搖落思尺素爲君陳

明府二叔七十

自昔陽春曲歌來和者難孝廉居上第經術起儒冠
宛馬淹馳驟冥鵬塌羽翰家貧仍謁帝道在亦之
官雙鳥雲霄下孤琴河嶽彈棠陰俱頌召花縣未稱
潘傲骨逢迎嬾雄心道路寒折腰歸計決搔首吏情
拚藍輦千山擁茅堂萬樹攢銜杯倒河漢高枕落江
湍豈避周家粟應塞楚澤蘭馮雲青玉案駐日紫金
丹近代無陶令吾家有謝安向來猶子意不減過庭
看逐宦天猶隔思君歲欲闌遙應壽觴舉冉冉赤霞
蟠

寄魏順甫比部

一自同心別相憐異地勞青山成獨往綠綺爲誰操
久不傳書札能無改鬢毛窮來諳物理病起視波濤
世路今逾畏時名向已逃蘭蘅遷客佩雨雪故人袍
斗氣懸孤劍江聲落釣舫思君欲墮淚况復擬離騷

登鞵山

蠡澤茫無際鞵山自一區遊仙何宇宙策足亦江湖
截石危支楚奔濤遠蹴吳居然生雪嶺忽已對蓬壺
下瞰九江合中流萬象扶鼇蟠疑不定鷺立迴堪呼
浦極愁鐘磬巖欹畏舳艫客程瞻浩蕩僧逕躡虛無
月暗瀟湘瑟波搖甍社珠便應吾脫屣未復歎乘桴
楊得之僉憲六十

南極星何爛東山臥正高社叢淮海桂溪實武陵桃
歲月新扶杖雲霄舊賜袍竹間珠履集花際彩衣勞
壯氣凌長劔孤懷寄濁醪顏非丹藥駐名豈赤松逃

玄草應誰授猗蘭合自操幾時招鶴馭舒嘯楚江臯

臨淮道中望塗山二十四韻

域紀塗山氏禋崇夏后王精英蟠賴毫襟帶引濠梁
扼險吞吳會提封入要荒九州馳玉帛四隩奠金湯
覩洛思神蹟浮淮望帝鄉千秋懸王氣昭代領
乾綱河應敷文瑞星符革命祥地靈鍾列祖天意在
高皇肇跡岐鄴竝恢圖沛泗光風雲行劔佩日月擁
旂常賜邑存湯沐營宮陋未央洗兵投武庫辟土
啓文昌佐命先伊呂貽謀遠漢唐羣靈歸聖作醜虜
屬天亡臺擬歌風勝花經駐輦香至今瞻故闕猶似

詹垂川夢 卷之十一 十四
集明堂典禮尊親合乾坤卜曆長祠官羅象緯羽校
肅牙璋駿業深仁植鴻名大孝彰鳳城曾負展麟趾
代垂裳禹貢無先後軒符更表章二京開壯麗 七
廟儼趨踭 嗣服傳無艾中興烈正芳小臣慙素食
何以贊成康

送睢陽太守陳錫卿擢兵憲入蜀

上國名爭識中州遇亦奇吏才分竹重友道握蘭私
旋珥遊梁筆親函喻蜀詞居人歌五袴候騎擁雙麾
萬里青驄躍孤軍白羽持棧懸天只尺江湧雪離披
壯節蠶叢試先聲劔閣馳且攜關塞手斟酌歲寒期

詠百泉

渾渾靈源闢功非禹鑿艱乾坤一勺水今古百門山
入谷驚風雨凌虛儼珮環銜雲分細細漱石瀉潺潺
玉濺鮫人淚星縈織女鬟亂紋吹翠壁空影射玄關
纓笑滄浪濯珠爭合浦還吟龍湍未穩躍鮒藻俱閒
劔卓雙虹外琴橫萬籟間臨流蘇病骨撫景滌愁顏
河漢津難問濠梁跡可攀冷然幽意愜長嘯出塵寰
題周象賢大霞山房

不道南荒絕翛然靈竅開九霞流地滿諸佛駕天來
玉結瑤池佩珠分赤水胎氣蒸川沆漾光擁石崔嵬

何用丹爲竈常分紫入杯銅標遺福土金馬借仙才
杖底三花吐毫端五色迴隨方顏可駐那復夢天台

詠貞石贈吳伯材郎中

何物胎靈髓名山挺玉姿支機河漢穩底柱海門持
宿雪圖三島含煙削九疑雲根司吐納地軸聳孤危
雷雨鱗能奮風霜骨自奇惟應五色就猶有補天期

劉子真奉常貶封二親便道省覲

暫下芙蓉闕言過爾雅臺宮衣天上錦郢調雪中裁
巨室新掄梓名家舊植槐祖筵分鷺侶仙仗待龍媒
秩擬三珪重恩兼列鼎回壯心懸矢慰歡色倚門開

賜爵函雙誥傳經寵異才衡雲支几杖漢水掬樽壘
酈菊英堪餌秦桃手自培羣芳持獻壽何用走蓬萊

詠竹巖贈大廷尉王子孝

有美東南節檀藥起粵陬含風吹絕磴哀露灑寒湫
選地曾千畝憑虛儼十洲籬踈雲母障几靜夜光流
牖納印王獻林虛洛士游煙霜卷石共律呂上方收
案帙青猶汗山樽綠自浮請看舜林箴何異傅巖舟

梁思伯舍人使楚 冊封岷王贈送十韻

近侍俱仙侶君才自相門儀刑三象列式穀一經存
視草回天幄分桐下 帝闈波浮太史楫醴潔楚王

樽使事玄圭重官儀絳節尊風兼萍實采文藉菊英
 論峽雨千蛟噴江濤萬馬奔蘭蕙紛可佩雲夢好誰
 吞夢逐青楓遠歌從白雪翻經過武昌柳為我一停
 軒

遊鳳棲洞十八韻

莫問秦源僻誰探禹蹟幽山靈開鳳穴礎瀨瀉龍湫
 宛轉青蘿徑空濛白玉樓區中疑乍闢物外此奇搜
 隔結千巖霧松吹萬壑秋攬衣晴雪擁捫壁晝星流
 應鼓蟾蜍鬪迎燈罔象愁九莖披赤館一粟啓丹丘
 忽覩朱旗閃旋驚翠幃收珠宮時隱見乳窟半沈浮

月抱禪林榻沙維陸海舟神鞭驅未息狄掌覆能留
 石匣羣仙秘雲根五色抽坐當鯨甲奮行迫蜃臺遊
 已足超河漢猶妨犯斗牛經過成變幻樽酒恣綢繆
 便欲逃清世無勞羨隱侯凌崖發長嘯天外散鳴瓊
 休沐苦熱雷雨驟至偶成

緩帶雲如火肩扉日故紅匡牀聊假寐團扇苦無功
 病益炎蒸助愁兼瘴癘攻相將賦大暑忽爾動雄風
 爽氣高齋滿層陰廣漠同虞泉歸赤鳥閭闔隱緋虹
 雨色乾坤暗霆威海嶽空六螭浮蜃閣萬馬蹴龍宮
 潮撼孤城震天鳴百粵通胡然翻屋雷急為洗山戎

未暝號魑魅先秋謝祝融絺衣涼漸怯斗劍倚堪雄
却信湘州燕難傳楚塞鴻陰晴變呼吸何自測神功

雷陽訪莫子翼郎中

時居喪

何意南遷客逢君瘴海涯入門醒夢寐回首悵煙沙
署草名方重庭槐望獨賒衮一去國辟寇屢移家
只苦斑衣絕無妨布被斜孝廉通國慕離索故人嗟
北塞傳烽燧南荒厭鼓笳感時心竝切揮淚憶京華

悼焚書有序

予宦遊二十年購書近萬卷爲樓貯之甚珍
每歸輒謝客坐臥其上晏然忘貧卽里中少

年亦鮮知予貧也頃聞暴客登樓遍探篋笥
無以當其意乃縱火焚書以去予竊悼焉爲
賦四十韻且以自廣云

萬卷從吾好千金不易裝少年窺橐籥垂老厭圭璋
散帙高連屋懸籤疊滿牀牛毛原汗漫雞跖亦輝煌
天啓河圖秘霞生石墨香寄身編竹穩遊思結繩長
几上赤虹現楹端彩鳳翔秦碑留故蹟汲塚弔餘芳
露綴三經席星標六藝場百家馮羽翼諸體叶笙簧
野叟食芝訣園公種樹方靈蛇蟠入次繡虎伏成行
緝理茅茨閣週遭薜荔墻幔雲飄旖旎簾影動瀟湘

戶牖都鉛槧山川此棟梁敢同莘野樂差異竹林狂
歲月資弦誦精英屬表章正須防散逸誰更卜災祥
宦拙家逾遠時艱力未匡夢魂驚燕雀消息闕豺狼
舊業干羣象斯文厄九陽鬼神憎篋笥兵燹縱縹緲
豈復秦時暴無容魯壁藏何曾分玉石渾欲戰玄黃
井吐商辰色煙昏太乙光總爲蝌蚪崇遂作蝨魚殃
噀雨遙難制迴風近莫禳爍氛騰赤館烈焰倒青囊
未乏焦頭客其如白額郎妻孥存鼠竄城郭任鴟張
誤改于公戶慙非魏士鄉絲桐歸火帝符籙獻空王
重比周彝徙珍逾孔履亡劫灰期未辨禪竈語能詳

錦目殘烽擲珠田敝帚當輪今悟糟粕角且叩宮商
却遂吾兒嬾虛增過客傷爲儒甘刺豕託隱慕屠羊
市肆歸堪借言筌靜欲忘有形俱幻化何用熱中腸

